

麻生里古昔麻生于渚沐之涯圍如大竹長餘一丈周里有山椎栗槻櫟生猪猴栖住其野出筋馬口飛鳥淨御原大宮臨軒天皇武天之世同郡大生里建部袁許呂命得此野馬獻於朝廷所謂行方之馬或云茨城之里馬非也

郡南二十里香澄里古傳曰大足日子天皇景登坐下總國印波鳥見丘留連遙望顧東而勅侍臣曰海即青波浩行陸是丹霞空濛國在其中朕目所見者時人由是謂之霞郡中從此往南十里板來村

古老曰斯貴瑞垣宮大八州所取天皇神之世為平東夷之荒賊遣建借間命即此那賀國造初祖引率軍士行

略凶猾頓宿安婆之島遙望海東之浦時烟所見爰疑有人建借間命仰天誓曰若有天人之烟者來覆我上若有荒賊之烟者去靡海中時烟射海而流之爰自知有凶賊即命徒衆褫食而渡於是有國栖名

曰夜尺斯夜筑斯二人自為首帥掘穴造堡常所居住覘伺官軍伏衛抗拒建借間命縱兵驅追賊盡遁還閉堡固禁俄而建借間命大起權議校閱敢死之士伏隱山阿造備滅賊之器嚴飾海濱連船編棧飛

雲蓋張虹旌天之鳥琴天之鳥笛隨波逐潮杵島唱曲七日七夜遊樂歌儂于時賊黨聞盛音樂舉房男女悉盡出來傾濱歡咲建借間命令騎士閉堡自後襲擊盡囚種屬一時焚滅此時痛殺所言今謂伊多

久之鄉臨斬所言今謂布都奈之村安殺所言今謂安伐之里吉殺所言今謂吉前之邑中自郡東北十五里當麻鄉古老曰倭武天皇巡行過于此鄉有佐伯名曰鳥日子緣其逆命隨便略殺即

幸屋形野之頓宮車所經之道狹地深淺取惡路之義謂之當麻俗曰多支多從是以南藝都里中其南名田里息長足日賣皇后功神之時此地人名曰古都比古三度遣於韓國重其功勞賜田因名又有

波都武之野中從此以南相鹿大生里古老曰倭武天皇坐相鹿丘前宮此時膳炊屋舍構立浦濱編辦作橋通御在所取大炊之義名大生之村又倭武天皇之后大橋比賣命自倭降來參遇此地故謂安

布賀之邑